



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Pauli Segneri Societatis Jesu Brevis Vitæ Historia
cum ejusdem Concordia Quietis & Laboris in Oratione,
Expositione in Psalmum Miserere, Considerationibus de
Inferno, Expositione Cantici ...**

Massei, Giuseppe

AUGUSTÆ Vindel. & DILINGÆ, 1707

VD18 12383155

§. XVII. Ultimæ Supplicationis descriptio.

[urn:nbn:de:hbz:466:1-47773](#)

viiis cum lucernis aut facibus, & harmonico cantu numerosas Sodalitates, cupidas Angelicæ Dapis quām primū sumendæ: & Pater primus omnium Sacris operatus, hilari & indefesso studio ubique aderat, nunc necessaria præparando, nunc divinum epulum suismet manibus dispertiendo, nunc verbis sanctum ardorem spirantibus omnium ad divinam dapem accedentium animos inflammando: quorum numerus sæpe ad octodecies; quin & ad vicies mille ascendebat: quamquam supra omnem numerum erant accensa eorum studia, pia suspiria, & lacrymæ aliis occasionibus haud sanè consueta. Nec poterat nisi teneros admodum sensus excitare, numerari sub illa viridantium arborum umbrâ, nunc quadraginta, nunc quinquaginta sacros Judices, singulos circumdatos multâ dolentissimè pœnitentium turmâ; sic ut omnes campi illi novum viderentur fructuum genus partutire, fructuum nimirum cœlestis Paradysi, qui ad reddendas DEO laudes efficacissimè excitabant.

§. XVII.

Ultima supplicationis Descriptio.

Transacto subinde meridie, & tantillo temporis spatio ad vires reparandas concessò, initium siebat postremæ, & præ ceteris apparatæ Supplicationi. Primo post prælatam Crucem loco ibant puellæ albis indutæ vestibus, coronâ è spinis in capite, & velo, quod partem vultûs obtegebant, oculis in parvum Christi in Crucem suffixi simulacrum, quod manibus præferebant, defixis. Has excipiebant feminæ aliæ, Viduæ, Conjuges, solo vestium colore à primis diversæ. Mox Sacerdotum nudipedum venerabile agmen,

gmen, injectis collo funibus, crucem, aut calvariam manu præferentium veniebat. Insistebant horum vestigiis, certis adscripti Sodalitatibus, operto vultu, & togis oblongis; viri dein alii in vestibus brevibus, cum suo singuli socio, nudis pedibus, & capite spinis incincto. Constabat sacrum hoc agmen fermè pluribus millenis, quorum non pauci flagris armati, sanguine quem fundebant, signabant vias, per quas ibant, & hic si uspiam alibi, cuiuslibet ardor ingenij sui vires expromebat ad interna pœnitentis animi sensa peculiari aliquo indicio & argumento prodenda. Inter hæc Sacerdotes mæsto & lugubri cantu *Miserere* ordiebantur, ceteris singulas Psalmi strophas miserabili carmine *Miserere nostri Domine, Miserere,* intercalantibus; quod tubæ instar cælestis cunctos stimulabat ad iratum DEUM sincero de admissis dolore placandum. In Supplicationibus tamen hujusmodi spectabilius nihil erat, quam Pater Paulus ipsem. Ibat ille postremus omnium, profundâ quadam sui despicientiâ in DEUM absorptus, lacrymisque suis innatans, cum prægrandi Christi incrucem suffixi simulacro, & præter vestem Pœnitentium, aliorum vestibus non assimilem, raptabat innexam utrique pedi catenam tanti pondatis, ut ægrè admodum gressus promoveret. Concurrebat autem Populus, sacri spectaculi avidus, numero tam incredibili, ut in littoralibus Liguriæ tractibus aliquando facile septuaginta mortalium millia censa sint, quorum non pauci triginta, quin & quadraginta, passuum millia consererant: multi cum spectandi locum è piano non invenirent, arbores concendebat, quarum rami cum ponderi insidentium non sufficerent, etsi crassi firmique alias, non semel crepuere. Toto porro supplicum agmine ad destinatum paratumque in campis locum delato accingebat se Pater ad

E

Conci-

Concionem, in qua totum suum ardentissimum Zelum exerceret. Argumentum ejusmodi Concionum erat, Perseverantia in bene cœptis, ad quam ut efficaciter audientes incitaret, media proponebat & suavia, & potentia; cuiusmodi sunt, tenera & constans pietas erga DEI Matrem, omnium gratiarum à summo DEO constitutam Diribitricem; creber divinorum Mysteriorum usus; & ante omnia, fuga occasionum: cùm sperari vix, ac ne vix quidem possit, non ruiturum tandem in præceps eum, qui semper ludibundus circa extremum marginem oberrat. Inde progrediebatur ad bene precandum cunctis nomine supremi Ecclesiæ Pastoris, ut mors fert Patrum Societatis in sacris hisce expeditionibus. Priùs tamen, velut Vatis Eliæ incitatus spiritu, sumpto in manus Crucis affixi simulacro, horribiles diras fulminabat contra illos, qui primi auderent rumpere communem concordiam jam stabilitam; iterum introducere consuetudinem operum, quæ tam multis sunt cadendi, & in præceps ruendi occasio; lusum inquam vetitorum, chorearum, conventiculorum nocturnorum, amorum profanorum, eamque in rem afferebat illa Josue verba: *Maledictus vir coram Domino, qui suscitaverit & adificaverit Civitatem Jericho.* Tum ad lenitatem compositus vertebat sese ad bene precandum cuilibet hominum ibi præsentium conditioni, suggestis cuilibet earum opportunis monitis. Precebatur fausta quæque eorum familiis, domibus, pecoribus, agris, proventibus. Tandem accensâ face arreptâ exclamabat: *in ignem, in ignem Folia lusoria:* quæ eum in finem ipsiusmet à lusoribus, faniora jam cogitantibus, erant oblata; & cùm omnis multitudo magnis vocibus ingeminaret, *in ignem, in ignem,* aliorum operâ cunctorum in oculis curabat illa concremari. Mox initium siebat concinendo Hymno

Josue 6.

nino Ambrosiano, *TE DEUM*, ad agendas D E O grates pro omnibus, quæ præsenti ejus ope rectè & ex virtute e-
rant gesta. Sed quia (aiebat Pater ex intimo animi sui sensu)
probè perspicio me peccatis meis impediisse multo maiores, qui
consecuturi ceteroquin erant, fructus, quosque pro sua misera-
tione divina Bonitas parata erat concedere, par omnino est,
dum vos gratias illi agitis, ut ego veniam ab eadem quam de-
mississimè petam, & eam noxam in me, parte saltem aliquâ,
vindicem: & cum dicto nudatis humeris arreptoque ferreo
suo flagro atrociter tergum suum laniabat. Quantum-
cunque porro sanguinis ille funderet, haud minus sanè la-
crimarum affundebat numerosissimus ille populus, pérmo-
tus spectaculo viri, qui non contentus ipsius causâ tantum
profudisse sudoris, videbatur omnem etiam venarum san-
guinem salutis eorum causâ velle profundere. Non pote-
rant audiri concinentium Sacerdotum voices, sed lugubris
tantum planctus & clamores, orantium Patrem, ut cessa-
ret tandem à laniana non suis, sed illorum peccatis & scele-
ribus debitâ. Sic Pater erectus in pedes, & vale ipfis di-
cturus ultimum: *Christiani mei*, ajebat, *vos ego hic in aper-*
tis vestri, & *mei Servatoris brachiis relinquo*; *cui ex imis anti-*
miei visceribus vos commendo. Non credo, quod nos morta-
li hac in vita iterum visuri simus invicem; videbimus nos,
D E O benejuvante, iterum in calo. Ubi nuntium mortis meæ
iutellexeritis, rogo vos per illum, quo vos arctissimè conplector,
amorem, ut dignemini à divina Bonitate impetrare requiem
anima mee. Tum enim vero præquam alias personabant
clamores & ejulatus, sic ut totidem vicibus restaurari vi-
deretur plena illa tenerrimi affectus Tragœdia, quæ data
est, cùm Paulus Apostolus Mileto Ephesum profecturus va-
le ultimum Christianis suis dicebat. Plurimos omnino re-

E 2

perite

perire erat, qui se illi adjungere comites studebant, nec avel-
li poterant à Patre tam amato, & amante: unde necesse
plerumque fuit, ut clam ille, fugientis potius, quam prof-
fidentis more, se subduceret.

§. XVIII.

Abitus Patris ad Missiones alias.

Ita Pater Paulus, quin unquam interquiesceret, sub ve-
sperum mox illius diei, aut, si tardè, sub auroram se-
quentis pergebat ad arduos suos labores alio in loco in-
choandos, & ad falcem in novam semper messem mitten-
dam. Quantumcunque densi cœlo imbræ caderent, quan-
tumcunque ferocirent venti, etsi noctu per horridas eun-
dum silvas, aut vias asperrimas, nullo tamen horum incom-
modorum ille absterrebatur, sed ibat primus omnium vul-
tu hilari, animosque comitibus addebat: quin dicere solebat,
eos qui statuissent Expeditionibus hisce Apostolicis sese im-
pendere, eo se numero habere debere, quo procubitores
in militia, qui apertissima in vite discrimina se coniiciunt.
Altè idcirco in animum demiserat cogitationem de Infero-
rum suppliciis, de suis noxis, de æternitate, quæ facile il-
li reddebat quidquid esset ferendum: unde si quis eum ali-
quando hortabatur, ut majori ipsi sibi curæ esset, ut tue-
retur scà nimbis, qui densi rubeant; reponere consue-
rat; haud paulo levius esse aquas, quam ignem pati; sæpe
etiam addere solitus: ô si sciretis, quantopere illum ego
formidem! Alias cum nonnemo rogabat; ne se verberi-
bus tam malè mulctaret, tantum sanguinis funderet, Apo-
stolicum illud in mentem revocabat; *Sine sanguinis effusione*

NON

Hebr. 9.

v. 22.